



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-541-6/25**

Datum: **23.02.2026. godine**

«Agencija za vodno područje rijeke Save» Sarajevo, rješavajući po zahtjevu Službe za urbanizam Grada Zenica za donošenje rješenja o prethodnoj vodnoj saglasnosti za aktivnosti na čišćenju i uređenju korita rijeke Bosne u cilju obezbjeđenja proticajnog profila (desna obala), na potezu od željezničkog mosta na ulazu u naselje Blatuša pa nizvodno do mosta na magistralnoj cesti M-17, a u postupku izdavanja urbanističke saglasnosti po zahtjevu Službe za vodoprivredu, cestovnu infrastrukturu i kapitalne investicije Grada Zenica, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Gradu Zenica - Služba za vodoprivredu, cestovnu infrastrukturu i kapitalne investicije daje se prethodna vodna saglasnost za aktivnosti na čišćenju i uređenju korita rijeke Bosne u cilju obezbjeđenja proticajnog profila rijeke Bosne na dijelu zemljišnih čestica označenih kao k.č. broj: 1747/1 K.O. Zenica III i k.č. broj: 1919 K.O. Ričice, grad Zenica (desna obala), na potezu od željezničkog mosta na ulazu u naselje Blatuša pa nizvodno do mosta na magistralnoj cesti M-17, a u postupku izdavanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije na nivou potrebnom za pribavljanje potrebnih odobrenja, u skladu sa propisima koji važe za ovu vrstu radova. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
 - 2.2. Projektnom dokumentacijom treba dati tehničko - ekonomski optimalno rješenje čišćenja i uređenja korita u cilju obezbjeđenja proticajnog profila rijeke Bosne tj sprječavanja/umanjenja štetnog djelovanja voda i poboljšanja hidromorfološkog stanja vodotoka i dinamike prirodnog procesa tečenja na lokalitetu navedenom u tački 1. Rješenja. Projekat treba da sadrži, uz sve priloge općeg karaktera, sljedeće:
 - Situativni prikaz razmjere 1:1000 ili detaljnije sa ucrtanom dionicom obuhvaćenom aktivnostima čišćenja i uređenja korita rijeke Bosne na ažurnim geodetskim podlogama kao i uzdužnim i poprečnim profilima riječnog korita urađenim na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt) preko kojih će se vršiti kontrola realizacije radova;
 - Na razmaku od prosječno 50 m ili na kraćem rastojanju snimiti i u odgovarajućoj razmjeri prikazati poprečne profile sa stabiliziranjem i obilježavanjem bočnih tačaka, sa dovoljnom dužinom u zaobalju, te dovoljnim brojem tačaka u koritu rijeke Bosne;
 - Tehnički opis rješenja načina uređenja i čišćenja korita te uklanjanja nanosa iz korita rijeke Bosne uz obrazloženje rješenja i pojašnjenje efekata izvođenja radova, predmjer radova, tehničke uslove izvođenja radova i odgovarajuće grafičke priloge uobičajene za nivo projekta za građenje;
 - Predmjerom radova utvrditi količine materijala (pijesak, šljunak) koje će se izvaditi iz korita rijeke Bosne, a koji se može dalje iskoristiti, te materijala koji treba ukloniti (smeće, mulj, kruti otpad, šiblje, granje i dr). Bilans masa uraditi na osnovu ažurnih geodetskih podloga;

- Geometrijske karakteristike korita (širina, dubina, osovina i sl.), njegov položaj i veličinu usaglasiti sa prirodnim stanjem korita i uskladiti sa projektnom dokumentacijom regulacije ove dionice rijeke Bosne (ukoliko ista postoji) i dati odgovarajuća obrazloženja;
 - Sa ribolovnim društvom koje je korisnik ribolovnog prava na ribolovnom području na kome se planira provesti predmetna aktivnost, usaglasiti vremenski period u kojem je moguće izvođenje radova na uređenju i čišćenju korita rijeke Bosne vodeći računa o periodu mriještenja plemenite ribe te utvrditi dinamiku izvođenja radova;
 - Zahvati na čišćenju/uređenju korita rijeke Bosne moraju uvažiti postojeće imovinsko - pravne odnose i radove svesti u pojas kojim će se najmanje narušiti privatni posjedi i parcele uvažavajući pri tome i pristup lokalitetu na kome će se radovi izvoditi;
 - Zahvati uređenja korita i obale trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
- 2.3. Projektnom dokumentacijom definisati organizaciju i tehnologiju izvođenja radova na predmetnom lokalitetu uvažavajući postojeće stanje korita i obale, morfologiju terena, geološki sastav korita, sigurnosni aspekt i sl., te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Bosne, do podlokovanja ili oštećenja postojeće obaloutvrde na desnoj obali kao i negativnih uticaja na druge korisnike voda (vodosnabdijevanje, ribari i sl.).
 - 2.4. Projektnom dokumentacijom definisati način privremenog pa sve do konačnog zbrinjavanja otpadnog i viška iskopanog materijala koji će nastati prilikom predmetnih radova na čišćenju i uređenju korita rijeke Bosne, vodeći računa da se isti ne smije odlagati na «vodno dobro» i u vodotok.
 - 2.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Materijal koji ima svoju upotrebnu i tržišnu vrijednost i koji se može dalje koristiti (pijesak, šljunak) koji će se pojaviti kod čišćenja korita rijeke Bosne na predmetnom lokalitetu i čije će se količine utvrditi u predmjeru radova iz tačke 2.2. alineja 4. ovog dispozitiva, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
 4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima.
 5. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 6.1. Revidovana Investiciono-tehnička dokumentacija urađena u skladu sa uslovima iz dispozitiva ovog rješenja,
 - 6.2. Rješenje o urbanističkoj saglasnosti za izvođenje radova na uređenju i čišćenju korita rijeke Bosne u cilju obezbjeđenja proticajnog profila rijeke Bosne na predmetnoj dionici,
 - 6.3. Dokaz o riješenim pitanjima imovinsko – pravnih odnosa na prostoru na kome će se izvoditi radovi, na trasi pristupnog puta do lokacije planiranih radova i do lokacije za deponovanje kao i na samoj lokaciji za deponovanje izvađenog materijala,
 - 6.4. Saglasnost udruženja sportskih ribolovaca Grada Zenica na termine provođenja radova na predmetnom uređenju i čišćenju korita rijeke Bosne,
 - 6.5. Dokaz o izvršenoj uplati upravne takse u iznosu od 60 KM.
 7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Služba za urbanizam Grada Zenica podnijela je «Agenciji za vodno područje rijeke Save» Sarajevo dana 29.12.2025. godine zahtjev za donošenje rješenja o prethodnoj vodnoj saglasnosti za izvođenje radova na obezbjeđenju proticajnog profila rijeke Bosne na dijelu zemljišnih čestica označenih kao k.č. broj: 1747/1 K.O. Zenica III i k.č. broj: 1919 K.O. Ričice, grad Zenica (desna obala), na potezu od željezničkog mosta na ulazu u naselje Blatuša pa nizvodno do mosta na magistralnoj cesti M-17 a u postupku izdavanja urbanističke saglasnosti po zahtjevu podnesenom od strane Službe za vodoprivredu, cestovnu infrastrukturu i kapitalne investicije Grada Zenica.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-541-2/25 od 06.01.2026. godine zatraženo od podnosioca zahtjeva da istu dopuni što je i urađeno u ostavljenom roku.

Uz zahtjev je dostavljena i pregledana sljedeća dokumentacija:

- Ovjerena kopija Uvjerenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-7983-2/14 izdatog dana 28.01.2015. godine od strane Uprave za indirektno-neizravno oporezivanje Banja Luka,
- Statut Grada Zenica («Službene novine Grada Zenica» broj 5/15),
- Detaljna situacija sa katastrom parcela MJ 1:1000,
- Kopija Mišljenja o usklađenosti planiranih aktivnosti sa prostorno-planskom dokumentacijom broj: 03/interno/26 od 09.01.2016. godine izdatog od strane Službe za urbanizam Grad Zenica,
- Identifikacija parcela označenih kao k.č. broj: 353/2, 1747/1, 1775/1 K.O. Zenica III i k.č. broj: 1919 K.O. Ričice, grad Zenica izdato dana 16.01.2026. godine od strane Službe za imovinsko-pravne, geodetske poslove i katastar nekretnina Grada Zenica,
- Kopije katastarskog plana za predmetne parcele broj: 04-26-10-460/2026-2, 3 i 5 izdatih dana 16.01.2026. godine od strane Službe za imovinsko-pravne, geodetske poslove i katastar nekretnina Grada Zenica,
- Zemljišnoknjižni izvadak broj: 043-0-NAR-26-001025 ZK uložak broj: 874; broj: 043-0-NAR-23-001030 ZK uložak broj: 2055; broj: 043-0-NAR-23-001023 ZK uložak broj: 830 i broj: 043-0-NAR-23-001028 ZK uložak broj: 1554 izdati dana 21.01.2026. godine od strane Zemljišnoknjižnog ureda Općinski suda u Zenici,
- Elaborat «Obezbjeđenje proticajnog profila desne obale rijeke Bosne na potezu od željezničkog mosta na ulazu u naselje Blatuša pa nizvodno do mosta – putne petlje na M17» urađen od strane «Zavoda za vodoprivredu» d.d. Sarajevo (šifra: ZZV-ZP-GP-942, decembar 2021. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 26.01.2026. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 28.01.2026. godine u dnevnom glasilu «OSLOBODENJE». U datim rokovima nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

Predmetna aktivnost obrađena je projektnom dokumentacijom: Elaborat «Obezbjeđenje proticajnog profila desne obale rijeke Bosne na potezu od željezničkog mosta na ulazu u naselje Blatuša pa nizvodno do mosta – putne petlje na M17» urađen od strane «Zavoda za vodoprivredu» d.d. Sarajevo, decembar 2021. godine.

Prema dostavljenom Elaboratu, a u cilju obezbjeđenja proticajnog profila rijeke Bosne na teritoriji grada Zenica, na lokalitetu od željezničkog mosta (P41) na ulazu u naselje Blatuša pa nizvodno do mosta na magistralnoj cesti M-17 (P1), treba izvesti radove na čišćenju korita i desne obale rijeke Bosne u dužini od cca 1078,00 m. Predviđeni radovi podrazumijevaju mašinsko čišćenje korita rijeke Bosne od nanosa i

drugih materijala, uklanjanje smeća i kabastog otpada kao i sječenje šiblja i rastinja u inundaciji i koritu vodotoka.

Čišćenje korita i uklanjanje vegetacije (šiblje, granje i rastinje) izvršiti na način da se ne pospješe erozioni procesi, oštetiti postojeća obaloutvrda i ugrozi stabilnost obale.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 109. stav (1) tačka 14., a u vezi sa članom 81. stav (1) Zakona o vodama, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj: UP-1/21-1-40-541-5/25 od 11.02.2026. godine.

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.



Dostaviti:

- Grad Zenica, Služba za vodoprivredu, cestovnu infrastrukturu i kapitalne investicije
Trg BiH br 6, 72000 Zenica
- Grad Zenica, Služba za urbanizam
Trg BiH br 6, 72000 Zenica
- ⊖ AVP Sava, ISV – Vodna knjiga
- Sektor 40 - arhiva
- Oglasna ploča - AVP Sava